


Hakimi tekad aksi terbaik di Gwangju



Kuala Lumpur: Pemegang pingat emas acara lompat kijing di Sukan SEA Singapura 2015, Muhammad Hakimi Ismail tekad untuk mempamerkan aksi terbaik pada penampilan sulung di Sukan Universiti Dunia (Universiade) 2015 di Gwangju, Korea Selatan yang bermula dari 3 hingga 14 Julai ini.

Hakimi melakukan lompatan sejauh 16.76 meter di Singapura sekali gus memadam rekod lama temasya 16.67m milik Nguyen Van Hung dari Vietnam di Sukan SEA Myanmar 2013.

“Sasaran untuk dapatkan pi-

ngat itu memang ada tapi setakat ini saya fokus untuk buat yang terbaik dulu kemudian kemenangan dan pingat itu akan datang sendiri, Insha-Allah,” katanya semalam.

“Catatan peribadi terbaik dan rekod sukan SEA Singapura memberikan saya motivasi serta keyakinan untuk bertanding di Korea Selatan.

“Kalau ikutkan keputusan di Universiade sebelum ini, saya berpeluang mendapatkan pingat, namun semuanya bergantung kepada pencapaian semasa di sana nanti,” kata Hakimi yang dijadual bertolak ke Korea Selatan pada 4 Julai

ini dan akan memulakan cabaran empat hari kemudian.

Dalam perkembangan sama, penuntut Universiti Putra Malaysia (UPM) berusia 24 tahun itu akur pasukan negara turut berdepan cabaran lebih sengit apabila bertanding pada bulan Ramadan dengan tempoh puasa adalah panjang di sana.

“Pertandingan di bulan puasa memang susah sikit tapi apa pun saya kena tempuh juga untuk meraih sesuatu buat diri sendiri dan negara,” kata anak didik jurulatih dari Russia, Victor Sotnikov itu. –

Oleh Mohd Khairie Khalid